

MUSIC OF THE SARUM OFFICE

Tome A.
Fascicule 7.
Pages [206]-[224].

Psalterium.
Feria Quinta.
Ad Matutinas—Ad Laudes.

Edited by William Renwick.

HAMILTON ONTARIO.
THE GREGORIAN INSTITUTE OF CANADA.
MMVI.

Music of the Sarum Office is published by The Gregorian Institute of Canada/L'Institut Grégorien de Canada, 45 Mercer Street, Dundas, Ontario, Canada L9H 2N8. The Gregorian Institute of Canada is affiliated with the School of the Arts, McMaster University.

Music of the Sarum Office is distributed over the internet through .pdf files located at: www.humanities.mcmaster.ca/~renwick/sarum-01.htm

This document first published June 1, 2006.

Revised July 1, 2007; December 1, 2007, January 1, 2008.

All rights reserved. This publication may be downloaded and stored on personal computers, and may be printed for purposes of research, study, education, and performance. No part of this publication may be uploaded, printed for sale or distribution, or otherwise transmitted or sold, without the prior permission in writing of the Gregorian Institute of Canada.

The Gregorian Institute of Canada/L'Institut Grégorien du Canada is a charitable organization registered by the Federal Government of Canada.

Web site address: www.gregorian.ca


© The Gregorian Institute of Canada, 2006.



Feria Quinta.
Ad Matutinis.

AS:118; 1519-P:95r; SB-P:128.¹

1011. Invit. VI.iii. 
A - do-rémus * Dó-mi-num † Quó-ni-am ipse fe-cit nos.




Ps. Ve-ní-te. 34.*

Pro Hystoria Dómine ne in ira.

A Dómine ne in ira usque ad Quadragesimam quando de v. feria agitur, dicitur ad Matutinas sequens Hymnus :


1519-P:95r; HS:27v; SB-P:128.²

8351. Hymn. IV. 
A Ox atra re-rum cónte-git, Terre co-ló-res ómni-



um : Nos confi-tén-tes póscimus Te juste ju-dex córdi-um,

Feria Quinta.




2. Ut áufe-ras pi- á-cu-la, Sordésque mentis áblu-as :



Do-nésque Chri-ste grá-ti-am, Ut arce-ántur cri-mi-na.




3. Mens ecce torpet ímpi-a, Quam culpa mordet nó-xi-a :



Obscú-ra ge-stit tól-le-re, Et te Re- démptor qué-re-re.



4. Re-pél-le tu ca-lí-gi-nem, Intrínse-cus quam má-xime :




Ut in be-á-to gáude-at Se col-lo-cá-ri lúmi-ne.

[*Ad Purificationem* :]




5. Gló-ri-a ti-bi Dómi-ne, Qui na-tus es de Vír-gi-ne : Cum




Patre et Sancto Spí-ri-tu, Per sempi-térna sé-cu-la. Amen.

[Vel post Purificationem :]



5. Presta Pa-ter pi-ís-sime, Pa-trique Compar U-ni-ce : Cum



Spí-ri-tu Pa-rá-cli-to, Regnans per omne sé-cu-lum. Amen.


Per Estatem Hymnus Nocte surgéntes. [139].

AS:118; 1519-P:95v, 97v; SB-P:131.

2330.

I. Ant.

II.i.



O- mi-ne De- us. *Ps.* Salvum me fac.

Super Nocturnum Psalmus lxviij.

Salvum me fac Deus : * quóniam intravérunt aque usque ad ánimam meam.

Infíxus sum in limo profúndi : * et non est substántia.

Veni in altitúdinem maris : * et tempéstat demérsit me.

Laborávi clamans rauce facte sunt fauces mee : * defecérunt óculi mei dum spero in Deum meum.

Multiplicáti sunt super capíllos cápitis mei : * qui odérunt me gratis.

Confortáti sunt qui persecúti sunt me inimíci mei injúste : * que non rápui tunc exsolvébam.

Deus tu scis insipiéntiam meam : * et delícta mea a te non sunt abscondita.

Non erubéscant in me qui expéctant te Dómine : * Dómine virtútum.

Non confundántur super me : * qui

querunt te Deus Israel.

Quóniam propter te sustínui obpróbrum : * opéruit confúsis fáciem meam.

Extráneus factus sum frátribus meis : * et peregrínus fíliis matris mee.

Quóniam zelus domus tue comédit me : * et obpróbria exprobrántium tibi cecidérunt super me.

Et opéruí in jejúnio ánimam meam : * et factum est in obpróbrum michi.

Et pósui vestiméntum meum cilícium : * et factus sum illis in parábolam.

Advérsus me loquebántur qui sedébant in porta : * et in me psallébant qui bibébant vinum.

Ego vero oratiónem meam ad te Dómine : * tempus benepláciti Deus.

In multítudine misericórdie tue exáudi me : * in veritáte salútis tue.

Eripe me de luto ut non infígar : *
líbera me ab his qui odérunt me et de
profúndis aquárum.

Non me demérgat tempésta aque : *
neque absórbeat me profúndum,
neque úrgeat super me púteus os
suum.

Exáudi me Dómine quóniam
benígna est misericórdia tua : *
secúndum multitudínem mis-
eratiónum tuárum respíce in me.

Et ne avértas faciém tuam a púero
tuo : * quóniam tríbulor velóciter
exáudi me.

Inténde ánime mee et líbera eam : *
propter inimícos meos éripe me.

Tu scis impropérium meum et con-
fusiómem meam : * et reveréntiam
meam.

In conspéctu tuo sunt omnes qui
tríbulant me : * impropérium expec-
távit cor meum et misériam.

Et sustínui qui simul contristarétur
et non fuit : * et qui consolarétur et
non invéni.

Et dedérunt in escam meam fel : *
et in siti mea potavérunt me acéto.

Fiat mensa eórum coram ipsis in
láqueum : * et in retributiónes et in
scándalum.

Obscuréntur óculi eórum ne
videant : * et dorsum eórum semper
incúrva.

Effúnde super eos iram tuam : * et

furor ire tue comprehéndat eos.

Fiat habitátio eórum desérta : * et
in tabernáculis eórum non sit qui in-
hábitet.

Quóniam quem tu percussísti per-
secúti sunt : * et super dolórem vúl-
nerum meórum addidérunt.

Appóne iniquitátem super iniqui-
tátem eórum : * et non intrent in
justítiam tuam.

Deleántur de libro vivéntium : * et
cum justis non scribántur.

Ego sum pauper et dolens : * salus
tua Deus suscepit me.

Laudábo nomen Dei cum cántico : *
et magnificábo eum in laude.

Et placébit Deo : * super vítulum
novéllum córnua producéntem et ún-
gulas.

Videant páuperes et leténtur : *
querite Deum, et vivet ánima vestra.

Quóniam exaudívit páuperes
Dóminus : * et vinctos suos non
despéxit.

Laudent illum celi et terra : * mare
et ómnia reptília in eis.

Quóniam Deus salvam fáciat Syon : *
edificabúntur civitátes Jude.

Et inhabitábunt ibi : et hereditáte
acquírent eam.

Et semen servórum ejus possidébit
eam : * et qui díligunt nomen ejus
habitábunt in ea.

Psalmus lxi.

DEus in adjutórium meum
Inténde : * Dómine ad adju-
vándum me festína.

Confundántur et revereántur : * qui
querunt ánimam meam.

Avertántur retrórsus et erubéscant : *
qui volunt michi mala.

Avertántur statim erubescéntes : *
qui dicunt michi Euge euge.

Exúltent et leténtur in te omnes qui
querunt te : * et dicant semper
Magnificétur Dóminus, qui díligunt
salutáre tuum.

Ego vero egénus et pauper sum : *

Deus ádjuva me.
Adjútor meus et liberátor meus es

tu : * Dómine ne moréris.
Glória Patri.



AS:118; 1519-P:97v, 99v; SB-P:134.



Psalmus lxx.

IN te Dómine sperávi non confún-
dar in etérnum : * in justítia tua
líbera me et éripe me.

Inclína ad me aurem tuam : * et
salva me.

Esto michi in Deum protectórem : *
et in locum munítum, ut salvum me
fácias.

Quóniam firmaméntum meum : *
et refúgium meum es tu.

Deus meus éripe me de manu pec-
catóris : * et de manu contra legem
agéntis et iníqui.

Quóniam tu es paciéntia mea
Dómine : * Dómine spes mea a ju-
ventúte mea.

In te confirmátus sum ex útero : *
de ventre matris mee tu es protéctor
meus.

In te cantátio mea semper : * tan-
quam prodígium factus sum multis,
et tu adjútor fortis.

Repleátur os meum laude : * ut
cantem glóriam tuam tota die mag-
nitúdinem tuam.

Ne projícias me in témpore senec-
tútis : * cum defécerit virtus mea ne
derelínquas me.

Quia dixerunt inimíci mei michi : *
et qui custodiébant ánimam meam
consílium fecérunt in unum.

Dicéntes Deus derelíquit eum : *
persequímmini et comprehéndite eum,
quia non est qui erípiat.

Deus ne elongéris a me : * Deus
meus in auxiliúm meum réspice.

Confundántur et deficiant detra-
héntes ánime mee : * operiántur con-
fusióne et pudóre qui querunt mala
michi.

Ego autem semper sperábo : * et
adjíciam super omnem laudem tuam.

Os meum annuntiábit justítiam
tuam : * tota die salutáre tuum.

Quóniam non cognóvi litteratúram
introíbo in poténtias Dómini : *
Dómine memorábor justítie tue
solíus.

Deus docuísti me a juventúte mea : *
et usque nunc pronuntiábo mirabília
tua.

Et usque in senéctam et sénium : *
Deus ne derelínquas me :

Donec annúntiem bráchium tuum : *
generatióni omni que ventúra est :

Poténtiam tuam et justítiam tuam

Deus usque in altíssima que fecísti magnália : * Deus quis símilis tibi ?

Quantas ostendísti michi tribulatiónes multas et malas : * et convérsus vivificásti me, et de abýssis terre íterum reduxísti me.

Multiplicásti magnificéntiam tuam : * et convérsus consolátus es me.

Nam et ego confitébor tibi in vasis

psalmi veritátem tuam Deus : * psallam tibi in cíthara sanctus Israel.

Exultábunt lábia mea cum cantávero tibi : * et ánima mea quam redemísti.

Sed et lingua mea tota die meditábitur justítiam tuam : * cum confúsi et revériti fúerint qui querunt mala michi.

Psalmus lxxj.

Deus judícium tuum Regi da : *
et justítiam tuam fílio Regis :

Judicáre pópulum tuum in justítia : *
et páuperes tuos in judício.

Suscípiant montes pacem pópulo : *
et colles justítiam.

Judicábit páuperes pópuli, et salvos
fáciat fílios páuperum : * et hu-
miliábit calumniatórem.

Et permanébit cum sole : * et ante
lunam in generatiónes generatiónem.

Descéndet sicut plúvia in vellus : *
et sicut stillicídia stillántia super ter-
ram.

Oriétur in diébus ejus justítia et
abundántia pacis : * donec auferátur
luna.

Et dominábitur a mari usque ad
mare : * et a flúmine usque ad térmi-
nos orbis terrárum.

Coram illo prócident Ethýopes : *
et inimíci ejus terram lingent.

Reges Tharsis et ínsule múnera
ófferent : * reges Arabum et Saba
dona addúcent.

Et adorábunt eum omnes reges : *
omnes gentes sérvient ei.

Quia liberábit páuperem a poténte : *
et páuperem cui non erat adjútor.

Parcet páuperi et ínopi : * et áni-
mas páuperum salvas faciet.

Ex usúris et iniquitáte rédimet áni-
mas eórum : * et honorábile nomen
eórum coram illo.

Et vivet et dábitur ei de auro
Arábie : * et adorábunt de ipso sem-
per, tota die benedícet ei.

Erit firmaméntum in terra in
summis móntium, superextollétur
super Líbanum fructus ejus : * et
florébunt de civitáte sicut fenum
terre.


Sit nomen ejus benedíctum in
sécula : * ante solem pérmanet no-
men ejus.

Et benedicéntur in ipso omnes tri-
bus terre : * omnes gentes mag-
nificábunt eum.


Benedíctus Dóminus Deus Israel : *
qui facit mirabília solus.

Et benedíctum nomen majestátis
ejus in etérnum : * et replébitur ma-
jestáte ejus omnis terra Fiat, fiat.

Glória Patri.

Ant.  S-to michi Dómi-ne in De-um pro-tec-tó-rum.

AS:118; 1519-P:99v, 101v; SB-P:136.

3620. 3. Ant.  I-be-rá-sti virgam. *Ps.* Quam bonus.

Psalmus lxxii.

Quam bonus Israel Deus : * his qui recto sunt corde.

Mei autem pene moti sunt pedes : * pene effúsi sunt gressus mei.

Quia zelávi super iníquos : * pacem peccatórum videns.

Quia non est respéctus mortí eórum : * et firmaméntum in plaga eórum.

In labóre hóminum non sunt : * et cum homínibus non flagellabúntur.

Ideo ténuit eos supérbia : * opérti sunt iniquitáte et impietáte sua.

Pródiit quasi ex ádipe iníquitas eórum : * transiérunt in afféctum cordis.

Cogitavérunt et locúti sunt nequítiam : * iniquitátem in excélsó locúti sunt.

Posuérunt in celum os suum : * et lingua eórum transívit in terra.

Ideo convertétur pópulus meus hic : * et dies pleni inveniéntur in eis.

Et dixerunt Quómodo scit Deus : * et si est sciéntia in Excélsó ?

Ecce ipsi peccatóres et abundátes in século : * obtinuérunt divítias.

Et dixi, Ergo sine causa justificávi cor meum : * et lavi inter innocétes manus meas.

Et fui flagellátus tota die : * et castigátio mea in matutínis.

Si dicébam Narrábo sic : * ecce natiónem filiórum tuórum reprobávi.

Existimábam ut cognóscerem : * hoc labor est ante me.

Donec intrem in sanctuárium Dei : * et intélligam in novíssimis eórum.

Verúntamen propter dolos posuísti eis : * dejecísti eos dum allevaréntur.

Quómodo facti sunt in desolatióne súbito defecérunt : * periérunt propter iniquitátem suam.

Velut sómnum surgéntium Dómine in civitáte tua : * imáginem ipsórum ad níchilum rédiges.

Quia inflammátum est cor meum, et renes mei commutáti sunt : * et ego ad níchilum redáctus sum et nescívi.

Ut juméntum factus sum apud te : * et ego semper tecum.

Tenuísti manum dexteram meam : * et in voluntáte tua deduxísti me, et cum glória suscepísti me.

Quid enim michi est in celo : * et a te quid vólui super terram ?

Defécit caro mea et cor meum : * Deus cordis mei, et pars mea Deus in etérnum.

Quia ecce qui elóngant se a te

peribunt : * perdidisti omnes qui fornicantur abs te.

Michi autem adherere Deo bonum est : * ponere in Domino Deo spem

meam :

Ut annuntiem omnes predicationes tuas : * in portis filie Syon.

Psalmus lxxij.

UT quid Deus reppulisti in finem : *
Viratus est furor tuus super oves pascue tue ?

Memor esto congregationis tue : * quam possedisti ab initio.

Redemisti virgam hereditatis tue : * mons Syon in quo habitasti in eo.

Leva manus tuas in superbias eorum in finem : * quanta malignatus est inimicus in sancto.

Et gloriati sunt qui oderunt te : * in medio solennitatis tue.

Posuerunt signa sua signa et non cognoverunt : * sicut in exitu super summum.

Quasi in silva lignorum securibus exciderunt januas ejus in idipsum : * in securi et ascia dejecerunt eam.

Incenderunt igni sanctuarium tuum : * in terra polluerunt tabernaculum nominis tui.

Dixerunt in corde suo cognatio eorum simul : * Quiescere faciamus omnes dies festos Dei a terra.

Signa nostra non vidimus : * jam non est propheta, et nos non cognoscet amplius.

Usquequo Deus improperebit inimicus : * irritat adversarius nomen tuum in finem ?

Ut quid avertis manum tuam et dexteram tuam : * de medio sinu tuo in finem ?

Deus autem Rex noster ante secula : * operatus est salutem in medio terre.

Tu confirmasti in virtute tua mare : * contribulasti capita drachonum in aquis.

Tu confregisti capita drachonis : * dedisti eum escam populis Ethyopum.

Tu dirupisti fontes et torrentes : * tu siccasti fluvios Ethan.

Tuus est dies et tua est nox : * tu fabricatus es auroram et solem.

Tu fecisti omnes terminos terre : * estatem et ver tu plasmasti ea.

Memor esto hujus : * inimicus impropereavit Domino, et populus insipiens incitavit nomen tuum.

Ne tradas bestiis animas confitentes tibi : * et animas pauperum tuorum ne obliviscaris in finem.

Respice in testamentum tuum : * quia replati sunt qui obscurati sunt terre domibus iniquitatum.

Ne avertatur humilis factus confusus : * pauper et inops laudabunt nomen tuum.


Exurge Deus iudica causam tuam : * memor esto improperiorum tuorum, eorum que ab insipiente sunt tota die.

Ne obliviscaris voces inimicorum tuorum : * superbia eorum qui te oderunt ascendit semper.

Glória Patri.

Ant.  **I** be-rá-sti virgam he-re-di-tá-tis tu-e.

AS:119; 1519-P:101v, 102v; SB-P:138.

3246. 4. Ant.  **I** N Is-ra-el. *Ps.* Confitebimur.

Psalmus lxxiiij.

Confitebimur tibi Deus confitebimur : * et invocabimus nomen tuum.

Narrabimus mirabilia tua : * cum accipero tempus, ego iustitias iudicabo.

Liquefacta est terra et omnes qui habitant in ea : * ego confirmavi columnas ejus.

Dixi iniquis Nolite inique agere : * et delinquentibus, Nolite exaltare cornu.

Nolite extollere in altum cornu vestrum : * nolite loqui adversus Deum iniquitatem.

Quia neque ab Oriente neque ab Occidente neque a desertis montibus : * quoniam Deus iudex est.

Hunc humiliat et hunc exultat : * quia calix in manu Domini vini meri plenus mixto.

Et inclinavit ex hoc in hoc : * veruntamen fex ejus non est exinanita, bibent omnes peccatores terre.

Ego autem annuntiabo in seculum : * cantabo Deo Jacob.

Et omnia cornua peccatorum confringam : * et exaltabuntur cornua iusti.

Psalmus lxxv.

Fortis in Judaea Deus : * in Israel magnum nomen ejus.

Et factus est in pace locus ejus : * et habitatio ejus in Syon.

Ibi confrigit potentias : * arcum, scutum gladium et bellum.

Illuminans tu mirabiliter a montibus eternis : * turbati sunt omnes insipientes corde.

Dormierunt somnum suum : * et nichil invenerunt omnes viri divitiarum in manibus suis.

Ab increpatione tua Deus Jacob : * dormitaverunt qui ascenderunt equos.

Tu terribilis es et quis resistet tibi : * ex tunc ira tua.

De celo auditum fecisti iudicium : * terra tremuit et quievit,

Cum exurgeret in iudicio Deus : * ut salvos faceret omnes mansuetos terre.


Quoniam cogitatio hominis confitebitur tibi : * et reliquie cogitationis diem festum agent tibi.

Vovete et reddite Domino Deo vestro : * omnes qui in circuitu ejus affertis munera.

Terribili et ei qui aufert spiritum

príncipum : * terríbili apud reges
terre.

Glória Patri.

Ant. 
I N Is-ra- el magnum nomen e- jus.

AS:119; 1519-P:102v, 106v; SB-P:143.

5. Ant. 
 IV.i. **T** U es De- us. *Ps.* Voce mea.

5203.

Psalmus lxxvi.

Voce mea ad Dóminum clamávi : *
voce mea ad Deum et inténdit
michi.

In die tribulatiónis mee Deum ex-
quisívi mánibus meis nocte contra
eum : * et non sum decéptus.

Rénuít consolári ánima mea : *
memor fui Dei et delectátus sum, et
exercitátus sum et defécit spíritus
meus.

Anticipavérunt vigílias óculi mei : *
turbátus sum et non sum locútus.

Cogitávi dies antíquos : * et annos
etérnos in mente hábui.

Et meditátus sum nocte cum corde
meo : * et exercitábar et scopébam
spíritum meum.

Nunquid in etérnum projíciet Deus : *
aut non appónet ut complacítior sit
adhuc ?

Aut in finem misericórdiam suam
abscíndet : * a generatióne in generatió-
nem ?

Aut obliviscétur miseréri Deus : *
aut continébit in ira sua miseri-
córdias suas ?

Et dixi, Nunc cepi : * hec mutátio
détere Excélsi.

Memor fui óperum Dómini : * quia
memor ero ab inítio mirabílium
tuórum.

Et meditábor in ómnibus opéribus
tuis : * et in adinventiúnibus tuis
exercébor.

Deus in sancto via tua, quis Deus
magnus sicut Deus noster : * tu es
Deus qui facis mirabília.

Notam fecísti in pópulis virtútem
tuam : * redemísti in bráchio tuo
pópulum tuum, fílios Jacob et Joseph.

Vidérunt te aque Deus vidérunt te
aque et timuérunt : * et turbáte sunt
abýssi.

Multitúdo sónitus aquárum : * vo-
cem dedérunt nubes.

Etenim sagítte tue tránseunt : * vox
tonítrui tui in rota.

Illuxérunt coruscationes tue orbi
terre : * commóta est et contrémuit
terra.

In mari via tua, et sémite tue in
aquis multis : * et vestígia tua non
cognoscéntur.

Deduxísti sicut oves pópulum
tuum : * in manu Móysi et Aaron.

Psalmus lxxvij.

Atténdite pópule meus legem meam : * inclináte aures vestras in verba oris mei.

Apériam in parábolis os meum : * loquar propositiones ab iníto.

Quanta audívimus et cognóvimus ea : * et patres nostri narravérunt nobis.

Non sunt occultata a filiis eorum : * in generatione altera.

Narrantes laudes Dómini et virtutes ejus : * et mirabilia ejus que fecit.

Et suscitávit testimónium in Jacob : * et legem posuit in Israel.

Quanta mandávit patribus nostris nota facere ea filiis suis : * ut cognoscat generatio altera ;

Filii qui nascéntur et exúrgent : * enarrábunt filiis suis.

Ut ponant in Deo spem suam : * et non obliviscántur óperum Dei et mandata ejus exquirant.

Ne fiant sicut patres eorum : * generatio prava et exasperans.

Generatio que non diréxit cor suum : * et non est créditus cum Deo spíritus ejus.

Filii Effrem intendentes et mittentes arcum : * conversi sunt in die belli.

Non custodiérunt testaméntum Dei : * et in lege ejus noluerunt ambulare.

Et obliti sunt benefactorum ejus : * et mirabilium ejus que osténdit eis.

Coram patribus eorum fecit mirabilia in terra Egýpti : * in campo Tháneos.

Interrúpit mare et perduxit eos : * et stáuit aqua quasi in utre.

Et deduxit eos in nube diei : * et tota nocte illuminatione ignis.

Interrúpit petram in heremo : * et

adquávit eos velut in abyssu multa.

Et eduxit aquam de petra : * et deduxit tanquam flumina aquas.

Et apposuerunt adhuc peccare ei : * in iram concitaverunt Excelsum in inaquoso.

Et tentaverunt Deum in cordibus suis : * ut peterent escas animabus suis.

Et male locuti sunt de Deo : * dixerunt Nunquid poterit Deus parere mensam in deserto ?

Quoniam percussit petram et fluxerunt aque : * et torrentes inundaverunt :

Nunquid et panem poterit dare : * aut parere mensam populo suo ?

Ideo audivit Dóminus et distulit : * et ignis accensus est in Jacob, et ira ascendit in Israel.

Quia non crediderunt in Deo : * nec speraverunt in salutari ejus.

Et mandávit nubibus desuper : * et januas celi aperuit.

Et pluit illis manna ad manducandum : * et panem celi dedit eis.

Panem angelorum manducávit homo : * cibaria misit eis in abundantia.

Transtulit Austrum de celo : * et induxit in virtute sua Affricum.

Et pluit super eos sicut pulverem carnes : * et sicut arenam maris volatilia pennata.

Et ceciderunt in medio castrorum eorum : * circa tabernacula eorum.

Et manducaverunt, et saturati sunt nimis : * et desiderium eorum attulit eis, non sunt fraudati a desiderio suo.

Adhuc esse eorum erant in ore ipsorum : * et ira Dei ascendit super eos.

Et occídít pingues eórum : * et eléctos Israel impedívit.

In ómnibus his peccavérunt adhuc : * et non credidérunt in mirabílibus ejus.

Et defecérunt in vanitate dies eórum : * et anni eórum cum festinatioe.

Cum occíderet eos querébant eum et revertébantur : * et dilúculo veniebant ad eum.

Et rememoráti sunt quia Deus adjútor est eórum : * et Deus excélsus redémptor eórum est.

Et dilexérunt eum in ore suo : * et lingua sua mentíti sunt ei.

Cor autem eórum non erat rectum cum eo : * nec fidéles hábiti sunt in testaméto ejus.

Iipse autem est miséricors et propítius fiet peccátis eórum : * et non dispédet eos.

Et abundávit ut avérteret iram suam : * et non accéndit omnem iram suam.

Et recordátus est quia caro sunt : * spíritus vadens et non rédiens.

Quótiens exacerbavérunt eum in desérto : * in iram concitavérunt eum in inaquóso ?

Et convérsi sunt et tentavérunt Deum : * et sanctum Israel exacerbavérunt.

Non sunt recordáti manus ejus : * die qua redémit eos de manu tribulántis.

Sicut pósuit in Egýpto signa sua : * et prodígia sua in campo Tháneos.

Et convértit in ságuinem flúmina eórum : * et imbres eórum ne bíberent.

Misit in eos cynomyíam et comédit eos : * et ranam et dispédidit eos.

Et dedit erúgini fructus eórum : *

et labóres eórum locúste.

Et occídít in grándine véneas eórum : * et moros eórum in pruína.

Et trádídít grándini juménta eórum : * et possessionem eórum igni.

Misit in eos iram indignatiónis sue, indignatiónem et iram et tribulationem : * immissiones per ángelos malos.

Viam fecit sémite ire sue : * et non pepércit a morte animárum eórum, et juménta eórum in morte conclúsit.

Et percússit omne primogénitum in terra Egýpti : * primítias omnis labóris eórum in tabernáculis Cham.

Et ábstulit sicut oves pópulum suum : * et perdúxit eos tanquam gregem in desérto.

Et edúxit eos in spe et non timuérent : * et inimícos eórum opéruit mare.

Et indúxit eos in montem sanctificatiónis sue : * montem quem acquisívit délixtera ejus.

Et ejécit a fácie eórum gentes : * et sorte divísit eis terram in funículo distributiónis,

Et habitáre fecit in tabernáculis eórum : * tribus Israel.

Et tentavérunt et exacerbavérunt Deum excélsus : * et testimónia ejus non custodiérunt.

Et avertérunt se, et non servavérunt pactum : * quemádmódum patres eórum convérsi sunt in arcum pravum.

In iram concitavérunt eum in cóllibus suis : * et in sculptílibus suis ad emulatiónem eum provocavérunt.

Audívit Deus et sprevit : * et ad níhilum redégit valde Israel.

Et réppulit tabernáculum Sylo : * tabernáculum suum, ubi habitávit in

homínibus.

Et trádidit in captivitátem virtútem eórum : * et pulchritúdinem eórum in manus inimíci.

Et conclúsit in gládio pópulum suum : * et hereditátem suam spreuit.

Júvenes eórum comédit ignis : * et vírgines eórum non sunt lamentáte.

Sacerdótes eórum in gládio cecidérunt : * et vídue eórum non plorábantur.

Et excitátus est tanquam dórmiens Dóminus : * tanquam potens crapulátus a vino.

Et percússit inimícos suos in posterióra : * obpróbrium sempitérnum dedit illis.

Et réppulit tabernáculum Joseph : * et tribum Effraim non elégit :

Sed elégit tribum Juda : * montem Syon quem diléxit.

Et edificávit sicut unicórnis sanctifícium suum : * in terra quam fundávit in sécula.

Et elégit David servum suum : * et sústulit eum de grégibus óvium, de post fetántes accépit eum,



Páscere Jacob servum suum : * et Israel hereditátem suam :

Et pavit eos in innocéntia cordis sui : * et in intelléctibus mánuum suárum dedúxit eos.

Glória Patri.

Ant.  U es De- us, qui fa- cis mi- ra- bí- li- a.

AS:119; 1519-P:106v, 108r; SB-P:145.

4394. 6. Ant.  VIII.ii.  Ro- pí- ci- us. *Ps.* Deus venérunt.

Psalmus lxxviiij.

Deus, venérunt gentes hereditátem tuam : * polluérent templum sanctum tuum, posuérent Hierúsalem in pomórum custódiam.

Posuérent morticína servórum tuórum escas volatílibus celi : * carnes sanctórum tuórum béstiis terre.

Effudérunt sánguinem eórum tanquam aquam in circúitu Hierúsalem : * et non erat qui sepelíret.

Facti sumus oppróbrium vicínis nostris : * subsannátio et illúsio his qui in circúitu nostro sunt.

Usquequo Dómine irascéris in finem : * accendétur velut ignis zelus tuus ?

Effúnde iram tuam in gentes que te non novérunt : * et in regna que nomen tuum non invocavérunt :

Quia comedérunt Jacob : * et locum ejus desolavérunt.

Ne memíneris iniquitátum nostrárum antiquárum : * cito antícipent nos misericórdie tue quia páuperes facti sumus nimis.

Adjuva nos Deus salutáris noster : *

et propter glóriam nóminis tui
Dómine líbera nos, et propítius esto
peccátis nostris propter nomen tuum :

Ne forte dicant in géntibus Ubi est
Deus eórum : * et innotéscat in
natió nibus coram óculis nostris,

Ultio sánguinis servórum tuórum,
qui effúsus est : * intróeat in
conspéctu tuo gémitus compedi-
tórum.

Secúndum magnítudinem bráchii

tui : * possíde fílios mortificatórum.

Et redde vicínis nostris séptuplum
in sinu eórum : * impropérium ip-
sórum quod exprobravérunt tibi
Dómine.

Nos autem pópulus tuus et oves
páscue tue : * confitébimur tibi in
séculum.

In generatióne et generatióne : *
annuntiábimus laudem tuam.

Psalmus lxxix.

Qui regis Israel inténde : * qui
dedúcis velut ovem Joseph.

Qui sedes super Chérubin : * mani-
festáre coram Effraym Bénjamin et
Manásse.

Excita poténtiam tuam et veni : *
ut salvos fácias nos.

Deus convérte nos : * et osténde
fáciem tuam et salvi érimus.

Dómine Deus virtútum : * quo-
úsque irascéris super oratióne[m] servi
tui ?

Cibábis nos pane lachrymárum : *
et potum dabis nobis in láchrymis in
mensúra ?

Posuísti nos in contradicióne[m]
vicínis nostris : * et inimíci nostri
subsannavérunt nos.

Deus virtútum convérte nos : * et
osténde fáciem tuam et salvi érimus.

Víneam de Egipto transtulísti : *
ejecísti gentes et plantásti eam.

Dux itíneris fuísti in conspéctu
ejus : * et plantásti radíces ejus et
implévit terram.

Opéruit montes umbra ejus : * et
arbústa ejus cedros Dei.

Exténdit pálmites suos usque ad
mare : * et usque ad flumen propági-
nes ejus.

Ut quid destruxísti macériam ejus : *
et vindémiant eam omnes qui preter-
grediúntur viam ?

Exterminávit eam aper de silva : *
et singuláris ferus depástus est eam.

Deus virtútum convértere : *
réspice de celo et vide et vísitá
víneam istam.

Et pérfice eam quam plantávit dex-
tera tua : * et super fílium hóminis
quem confirmásti tibi.

Incénsa igni et suffóssa : * ab
increpatióne vultus tui períbunt.

Fiat manus tua super virum dextere
tue : * et super fílium hóminis quem
confirmásti tibi.

Et non discédimus a te : * vivi-
ficábis nos, et nomen tuum in-
vocábimus.

Dómine Deus virtútum convérte
nos : * et osténde fáciem tuam et
salvi érimus.

Glória Patri.

Ant. 

Ro-pí-ci- us esto peccá-tis nostris Dó-mi-ne.

℣. Gaudébunt lábia mea : dum cantavéro tibi.
 ℞. Et ánima mea quam redemísti.

Ante Laudes.


℣. Fiat misericórdia tua Dómine super nos.
 ℞. Quemádmódum sperávimus in te.

In Laudibus.

AS:120; 1519-P:108r; SB-P:145.

5150. 1. Ant. 
 VIII.i.

TI- bi so-li * peccá-vi Dó-mi-ne mi-se-ré-re me- i.



Ps. l. Miserére . [150].

AS:120; 1519-P:108v; SB-P:146.

2373. 2. Ant. 
 VI.

DO- mi-ne re-fú-gi- um. *Ps. Ipsum.*

Psalmus lxxxix.

Domine refúgium † factus es nobis : * a generatióne in generatióne.

Priúsqum montes fierent aut formarétur terra et orbis : * a século et usque in séculum tu es Deus.

Ne avértas hóminem in humilitátem : * et dixísti Convertímini filii hóminum.

Quóniam mille anni ante óculos tuos : * tanquam dies hestérna que pretériit,

Et custódia in nocte que pro níchilo habéntur : * eórum anni erunt.

Mane sicut herba tránseat mane flóreat et tránseat : * véspere décidat indúret et aréscat.

Quia defécimus in ira tua : * et in

furóre tuo turbáti sumus.

Posuísti iniquitátes nostras in conspéctu tuo : * séculum nostrum in illuminatióne vultus tui.

Quóniam omnes dies nostri defecerunt : * et in ira tua defécimus.

Anni nostri sicut aránea meditabúntur : * dies annórum nostrórum in ipsis septuagínta anni.

Si autem in potentátibus octogínta anni : * et ámplius eórum labor et dolor.

Quóniam supervénit mansuetúdo : * et corripíemur.

Quis novit potestátem ire tue : * et pre timóre tuo iram tuam dinumeráre ?

Déxteram tuam sic notam fac : * et erudítos corde in sapiéntia.

Convértere Dómine úsquequo : * et deprecábilis esto super servos tuos.

Repléti sumus mane misericórdia tua : * et exultávimus et delectáti sumus ómnibus diébus nostris.

Letáti sumus pro diébus quibus nos humiliásti : * annis quibus vídimus mala.


Réspice in servos tuos et in ópera tua : * et dírige fílios eórum.


Et sit splendor Dómini Dei nostri super nos : * et ópera mánuum nostrárum dírige super nos, et opus mánuum nostrárum dírige.

Gloria Patri.

Ant. 
D O- mi-ne re-fú-gi- um fac-tus es no-bis.


AS:120; 1519-P:108v; SB-P:146.

3. Ant. 
 IV.vii. **I** N ma-tu-tí-nis Dómi-ne * me-di-tábor in te. 3252.



Ps. lxij. Deus Deus meus. [152].

AS:120; 1519-P:108v, 109v; SB-P:148.

4. Ant. 
 IV.i. **I** N e-térnum. *Ps. Cantémus.* 3203.

[*Canticum Moysi* :] *Exodi xv.*

CAntémus Dómino glorióse enim magnificátus est : * equum et ascensórem projécit in mare.

Fortitúdo mea et laus mea Dóminus : * et factus est michi in salútem.

Iste Deus meus et glorificábo eum : * Deus patris mei et exaltábo eum.

Dóminus quasi vir pugnátor Omnípotens nomen ejus : * currus Pharaónis et exércitum ejus projécit in mare.

Elécti príncipes ejus submérsi sunt in mari Rubro abyssi operuérunt eos : * descendérunt in profúndum quasi lapis.

Déxtera tua Dómine magnificáta est in fortitúdine, déxtera tua Dómine percússit inimicum : * et in multitudíne glórie tue deposuísti adversários tuos.

Misísti iram tuam que devorávit eos sicut stípulam : * et in spíritu furóris tui congregáte sunt aque.

Stetit unda fluens : * congregáte sunt abyssi in médio mari.

Dixit inimicus Pérseque et comprehéndam : * dívidam spólia implébitur ánima mea.

Evaginábo gládium meum : * et interfíciét eos manus mea.

Flavit spíritus tuus et opéruit eos mare : * submérsi sunt quasi plumbum in aquis veheméntibus.

Quis símilis tui in fórtibus Dómine, quis símilis tui magníficus in sanc-

titáte : * terríbilis atque laudábilis et fáciens mirabília ?

Extendísti manum tuam : * et devorávit eos terra.

Dux fuísti in misericórdia tua : * pópulo quem redemísti.

Et portásti eum in fortitúdine tua : * ad habitáculum sanctum tuum.

Ascendérunt pópuli et iráti sunt : * dolóres obtinuérunt habitatóres Philístiim.

Tunc conturbáti sunt príncipes Edom robústos Moab obtínuit tremor : * obriguérunt omnes habitatóres Chánaan.

Irruat super eos formído et pavor : * in magnitúdine bráchii tui.

Fiant inmóviles quasi lapis : * donec pertránseat pópulus tuus Dómine, donec pertránseat pópulus tuus iste quem possedísti.

Introdúces eos et plantábis in monte hereditátis tue : * firmíssimo habitáculo tuo, quod operátus es Dómine.

Sanctuárium tuum Dómine quod firmavérunt manus tue : * Dóminus regnábit in etérnum et ultra.

Ingréssus est enim eques Phárao cum cúribus et equítibus ejus in mare : * et redúxit super eos Dóminus aquas maris.

Fílii autem Israel ambulavérunt per siccum : * in médio ejus.

Glória Patri.

Ant. 

IN e-térnum Dómi-nus regná-bit et ultra.

AS:120; 1519-P:109v; SB-P:148.

5. Ant.
VI. 3282.



I N sanctis e- jus * laudá-te De- um.




Pss. cxlviii.-cl. Laudáte Dóminum de celis. [153].

Cap. Vigiláte. [154].


A Dómine ne in ira usque ad Quadragesimam, quando de v. feria agitur, dicitur ad Laudes sequens Hymnus.

1519-P:109v; HS:28r; SB-P:148.

Hymn.
I. 8340.



L Ux ecce surgit áure- a, Pal- lens fá- tís- cat cé- ci- tas :



Que nosmet in pre- ceps, di- u Erró- re tra- xit dé- vi- o.




2. Hec lux se- ré- num cónfe- rat, Pu- rósque nos pre- stet si- bi :



Ni- hil loquá- mur súbdo- lum, Volvámus obscú- rum ni- hil.



3. Sic to- ta díscurret di- es, Ne lingua mendax nec ma- nus :



Ocu- li nec peccant lúbri- ci, Nec no- xa corpus ínqui- net.


Feria Quinta.




4. Spe-cu-lá-tor astat dé-su-per, Qui nos di- é-bus ómni-bus :



Actúsque nostros próspi-cit A lu-ce prima in véspe-rum.



5. De-o Pa-tri sit gló-ri-a, E-júsque so-li Fí-li-o : Cum



Spí-ri-tu Pa-rácly-to, Et nunc et in perpé-tu-um. Amen.

Per Estatem Hymnus Ecce jam noctis. [157].


℣. In matutínis [Dómine, meditábor in te.

℟. Quia fuísti adjútor meus.]


AS:120; 1519:125v; 1519-P:110r; SB-P:149.

3285.

Ant.
VII.i.
I



N sancti-tá-te * servi- ámus Dómi-no et li-be-



rá-bit nos ab i-ni-mí-cis nostris. S.A.E.

Ps. Benedíctus. 58*.

Preces ut supra. [158]. *Oratio ut decet.*

Notes.

Notes, pages [206]-[224].

¹ 1519-P:95r concludes “fecit” with a cephalicus GF.

² B-flat may be used.